

## Kikkuuvugut?

PI/SPS Kalaallit Nunaanni kisiartaalluni perorsaanermut ilinniarfiuvoq.

Isumaginninnermik ingerlataqarfiup iluani pikkorissutsimik qaffassaaqataasunik ilinniakkanik pikkorissarnernillu neqerooruteqarpugut. Ilanngullugu apeqqutigineqartillugu pikkorissaanernik naleqqussarlugit aaqqissuussanik neqerooruteqartarpugut. Pikkorissaasarnertit neqerooruterpassuagut nittartakkatsinni takukkit.

Takorluugarput:

- Inuiaqatigiinni perorsaaneq pillugu ilisimasaqassutsip pingaaruteqassusia isiginiarpaput, tamanna innuttaasut tamarmik ineriartornerannut ingerlalluernerannullu tunngavissisussaammat.
- Tunngaviumik isuma aallaavigalugu sulivugut, tassalu perorsaanermik sulinermit "inuk tamarmiusoq" aamma inuit ataasiakkaat inunnik allanik susassareqateqarnerat isiginiarneqassasut.
- Ilinniarfiorusuppugut akuerisaasoq orniginartorlu, piginnaaneqarfittut qitiusoq, ilisimasaqassutsikkut qajannaatsumik tunngavilik aamma isumaginninnerup perorsaanerullu iluanni ilinniartitaanernik siuariartornermik qulakkeerinnittoq.

## Attavigitigut

Telefon: +299 38 35 50

Mail: [kursus@pi.sps.gl](mailto:kursus@pi.sps.gl)



**PI/SPS Socialpædagogisk seminarium**

Marralinnguit 40

3952 Ilulissat, Grønland

## Perorsaanilerinermi Diplomimut Ilinniagaq

### Modul 4

## *Siusissumik atassuteqalerneq aamma atassuteqannginnerup isumaa*



**PERORSAANERMIK ILINNIARFIK**  
SPS - SOCIALPÆDAGOGISK SEMINARIUM - <http://pi.sps.gl/>

# Ilisarititsineq

Perorsaanilerinerimi Diplomimut ilinniarnermi moduli una ilaavoq, taamaakkaluartorli modulitut ataasiakkaatut tiguneqarsinnaalluni. Moduli 10 ECTS-point-qarpoq.

Perorsaanilerinerimi Diplomimut ilinniarnermi ilinniartoq katillugit 60 ECTS-pointit peqataaffigisimassavai, taakkunannga 25 ECTS-pointit modulini peqataaffigineqartussaallutik, 35 ECTS-pointit modulini nammineq toqqagassaallutik.

Ilinniartoq ilinniartitsinerimi peqataassaaq, ataatsimoorluni ilinniartunut isummersoqatigiinnermiluunniit piffissaliisassaaq, modulimilu misilitsinnissamut piareersarlunilu peqataassaaq, modulip naammassinissaanut peqataaffigineqartussamut.

## Modul 4

Modul 4-mi meeqqap tarnikkut, timikkut, inooqataanikkut aamma misigissutsikkut ineriartorneranut siusissukkut atassuteqarnerup pingaaruteqarlunnarnera pingaarnertut sammineqarpoq. Ilaatigut meeqqamik pingaarnertut isumaginnittuusut siusissukkut meeqqamut atassuteqalartarneri qanoq ilusilersueqataasarnersut, meeqqap eqqarsartaatsikkut peqqissusaanut, atassuteqarneranut, pissusilersorneranut aamma misigissutsiminik naleqqussaasinnaaneranut. Tamatuma saniatigut atassuteqarnikkut amigaateqarnerup sunniutai misissorneqassapput, meeraanermi kingusinnerusukkullu inersimasunngornermi.

**PIFFISSAQ:** Moduli ullut tallimat ingerlanneqassaaq, nal. 08.00-miit nal. 16.00-mut. Sapaatip akunnerini 19-ni, 2026 ingerlanneqassaaq, ulluni 04. maj 2026-miit 08. maj 2026-mut.

**QINNUTEQARFISSAQ KINGULLEQ:** 10. april 2026, kl. 12.00.

**ILINNIARTITSERIAASEQ:** Najuulluni ilinniartitsineq, PI/SPS Ilulissani.

**MODUL-IMI MISILITSINNEQ:** Allaaserinninneq oqaluttariarsorluni misilitsinnertalik sap. Akunnera 20-miit 24-mut ingerlatsiviususaaq.

## Ilinniartitsisoq

Kristine Nielsen Perorsaasutut sammivilimmik bacheloritut ilinniarsimasuuvoq, piorsaavimmilu ulluinnarni atassuteqarnerulluni.

## Sullinniakkat

Ilinniartut Perorsaanilerinerimi Diplomimut Ilinniakkamut imaluunniit modulitut ataasiakkaanut tiguneqartarput, qinnuteqartoq:

- Ingerlariaqqiffiusumik ilinniakkamik isissutaasinnaasumik minnerpaamik inuussutissarsiummik ilinniagartuutut ilinniakkatut qaffasissusilimmik naleqquttumik naammassinissimassasoq,
- Ilinniakkamik isissutaasinnaasumik nammassinnereernerup kingorna naleqquttumik perorsaanermi inuussutissarsiornermi minnerpaamik ukiuni 2-ni misilittagaqassasoq,
- Qallunaatut atuarsinnaanermut, paasisinnaanermut oqaasertalersuisinnaanermullu oqaatsitigut piginnaasaqassasoq aamma.

## Peqataanissamut nalunaarneq aamma taamaatitsineq

Immersugassaaq digitalimik (nittartagaq aqputigalugu) imaluunniit anillatsillugu immersorneqarsinnaavoq uungalugu nassiullugu kursus@pi.sps.gl.

Peqataanissamut qinnuteqaammut akissutit, qinnuteqartitsinerimi killigititap kingorna ilisimatitsissutigineqassapput.

Modulimut peqataanissamut qinnuteqarnermi sulisitsisup akuersinera, atorfeqarsimanngikkaannilu peqataasussatut modulip imarisaanik paasinninnermut uppernarsaat ilaatinneqassaaq.

Peqataasinnaajunnaaruit, tamanna piorsaavimmut nalunaarutigissavat mailikkut kursus@pi.sps.gl imaluunniit sianerlutit +299 38 35 50.

## Uppernarsaat

Modul-imi misilitsinnermi angusinnermi modulimik ingerlatsisimaneq uppernarsaammik tunisiviussaaq. Ilinniartut ilinniarnermi pilersaarutillit uppernarsaammik tunineqassanngillaq, ilinniarnerat sulii ingerlammat.